



Gazeta 1991-yil 21-martdan chiqqan boshlagan

Ishonch

O'zbekiston kasaba uyushmalari Federatsiyasining nashri • 2014-yil 18-fevral, seshanba № 23 (3372)

Курултой

Ўзбекистон соғлиқни сақлаш ходимлари касаба уюшмасининг VII курултойи бўлиб ўтди. Унда делегатлар, касаба уюшма фаоллари ҳамда ҳамкор ташкилотлар вакиллари иштирок этишди. Конференция кун тартибидagi биринчи масала — тармоқ ходимлари касаба уюшмасининг 2010-2013 йиллар давомида олиб борган фаолияти ва келгусидаги вазифалар ҳақида тармоқ Марказий кенгаши раиси Фарҳод Хананияев маъруза қилди.

Масъулият, изчиллик, самарадорлик



Таъкидланганидек, тармоқ касаба уюшмаси аъзоларининг ижтимоий-иқтисодий ва ҳуқуқий манфаатларини ҳимоялаш борасида кўпгина ишлар амалга оширилган, хусусан, уларнинг ҳуқуқий маданиятини оширишга алоҳида эътибор қаратилган. Соғлиқни сақлаш вазирлиги ва тармоқ Марказий кенгаши ўртасида имзоланган тармоқ Келишувига кўра Тошкент врачлар малакасини ошириш институти билан ҳамкорликда хайрли ишга қўл уриди. 2011 йилдан бошлаб 1500 нафардан зиёд Қорақалпоғистон Республикаси Соғлиқни сақлаш вазирлиги, худудлардаги бошқармалар, республика илмий марказлари

ва уларнинг худудий бўлинмалари, даволаш-профилактика муассасалари раҳбарлари ва захира кадрлари учун «Касаба уюшмаларининг жамиятдаги ўрни ва асосий вазифалари», «Ижтимоий шериклик», «Иш берувчи ва ходимлар ўртасидаги меҳнат муносабатлари», «Меҳнат муҳофазаси масалалари» мавзуларида ўқув ташкил этилди. Жорий йилдан республикадаги даволаш-профилактика муассасаларининг бош ва етакчи олий маълумотли ҳамширалари учун ўқувлар режалаштирилган бўлиб, ижроси таъминланаёпти.

Ўтган даврда бошланғич ташкилотлар фаолиятини намунали тарзда йўлга қўйиш бўйича саъй-ҳаракатлар ўз самарасини берди. Жумладан, тармоқ Марказий кенгаши ташаббуси билан Устав бўйича фаолияти намунали деб топилган, турли кўрик-танловларда голибликни қўлга киритган бошланғичлар тажрибасини омалаштириш жамоат ташкилоти нуфузи кескин ошишига сабаб бўлди. Намунали ташкилот иш тажрибаси иккитадан бошланғичга ўргатилиб, улар фаолияти талаб даражасида йўлга қўйилган, ҳар бир ташкилот яна иккитадан бошланғичга амалий ва услубий ёрдам кўрсатиш йўлга қўйилди.

(Давоми 2-саҳифада).

Президентимиз раҳнамолигида оналик ва болаликни муҳофаза қилиш, соғлом турмуш тарзини қарор топтириш, ҳар томонлама соғлом авлодни вояга етказиш масалаларига устувор аҳамият қаратилмоқда.



БЕХАТАР ОНАЛИК, БЕЗАВОЛ БОЛАЛИК

Навоий вилоят перинатал марказида 300 нафардан зиёд малакали акушер-гинеколог, реаниматолог, неонатолог, педиатр, доя, лаборант ва ҳамшира меҳнат қилмоқда. «Бехатар оналик», «Болаларнинг ўсиш ва ривожланиш мониторинги» дастурлари асосида билим ва малакасини ошириб бораётган шифокорлар она ва бола саломатлиги муҳофазаси, ташхис қўйиш ҳамда тиббий ёрдам кўрсатишда илғор тажриба ва замо-

навий ускуналардан самарали фойдаланмоқда. Марказда 2013 йилда 4 минг 632 чақалоқ дунёга келиб, барчасидан профилактик эмлаш ва скрининг текширувлар учун таҳлиллар олинди.

СУРАТЛАРДА: катта доя — Назоқат Аҳмедова; (чапдан) — ҳамшира Дилафрўз Камолова ва шифокор Зўҳра Ҳамроқуллова.

Сирож АСЛОНОВ (ЎЗА) олган суратлар

Публицистика

Фарзанд — ҳаёт давомчиси, умид чироғи. Дарҳақиқат, униб-ўсаётган ўғил-қизлар камалида бизнинг орзу-ҳавасларимиз яшайди. Ушалмаган, армон бўлиб қолган истакларимиз рўбинини улар истиқболда кўрамиз.

Юртнинг равнақи жисмонан соғлом, маънан баркамол авлод қўлида

Ахир улар биздан кўра бахтли, билимли, доно ва илму маърифатга интилувчан. Улар учун барча шарт-шароит муҳайё. Улар меҳр ва эътиборимизда, гамхўрликлардан баҳраманд.

Ўзбекистон Болалар спортини ривожлантириш жамғармаси Хомийлик кенгаши йиғилишини телевидение орқали кузатар эканман, ана шу ўйлар шууримдан ўтди.

Авлодларига, келажакига шунчалар гамхўр эл фарзанди эканлигимдан қалбим, бутун вужудим ифтихорга, фахру гурурга тўлди.

Давлатимиз раҳбарининг мазкур Жамғарма фаолияти хусусидаги илқ фикрлари, ўтган йиллар давомида болалар спорти борасида эришилган ютуқ ва муваффақиятларнинг самимий эътирофи ҳар бир юртдошимизни тўлқинлантиргани табиий. Дунё аҳли эса Ўзбекистон болалари жаҳон андазаларига мос, замонавий спорт мажмуаларида шуғулланаётганига яна бир бор амин бўлди.

Зеро, бизнинг борлигимиз ҳам, бойлигимиз ҳам фарзандларимиз. Уларнинг бахту иқболи, яхши яшashi, билим олиши, ўзи истagan машғулот билан шуғулланиши учун ҳар нарсасга тайёримиз.

Мажлисда таъкидланганидек, 2013 йилнинг ўзида юртимизда болалар спортини ривожлантириш мақсадида 113 та спорт иншооти ва сувиш ҳавзаси, 55 та болалар мусика ва санъат мактаби бунёд этилиб, фойдаланишга топширилди. Ушбу объекتلарнинг 132 таси қишлоқ жойларида ишга туширилгани янада қувонарли.

Ушбу рақамлар таъкидланар экан, кўз ўнгимда болалик йилларим гавдаланди. Нигоҳларим олдидан вужуди шижоатга тўла, аммо иқтидорини намойиш этишга имконсиз қишлоқ ёшларини, синфдошларим бирма-бир ўтди.

Биз ҳам ҳамма болалар сингари спортга қизиқардик, футбол ўйнаш энг сеvimли машғулотиимиз эди. Аммо қизиқишимизни амалга ошириш учун на дурусткор стадион, на тузукроқ тўлимиз бор эди. Топган еримиз мактабимизнинг югурсанг чанг-тузон кўтариладиган томоркасига, суякдан ясалган, тошдан қаттиқ тўп бўларди, холос. Теннис столи йўқлигидан парталарни бирлаштириб, машғулот ўтказардик баъзан. Жисмоний тарбия дарси эса кўзда қувлашмачоқ, қишда қорбўрон ўйнашга айланиб кетарди.

(Давоми 4-саҳифада).

Конференция

Тошкент вилоят касаба уюшма ташкилотлари бирлашмасининг навбатдан ташқари V конференцияси бўлиб ўтди. Йиғилишда бирлашма кенгаши раиси Омон Ҳакимжоновнинг бирлашма 2010 йил июл ойдан 2014 йил феврал ойигача олиб борган фаолият тўғрисидаги ҳисоботи тингланди.

Бирлашма кенгаши ҳамда унинг тизимидаги касаба уюшма ташкилотлари меҳнаткашларнинг ижтимоий-иқтисодий ҳуқуқ ва манфаатларини ҳимоялашда тегишли қонунчилик ҳужжатларига асосланиб фаолият кўрсатиб келмоқда.

Вазирлар Маҳкамаси, Савдо-саноат палатаси ва Касаба уюшмалари Федерацияси Кенгаши ўртасида имзоланган Бош келишув тизимдаги қатор муаммоларни ҳал этишда муҳим дастур-уламал бўлиб хизмат қилди. Натияжада, ижтимоий шерикликни ривожлантириш, тармоқ ҳамда минтақавий келишувларнинг таъсирчанлигини ошириш, тўлақонлигини таъминлаш асосий иш мезонига айланди.

Жамоа шартнома ва келишувлари орқали 2011-2013 йиллар давомида йил дастурлари моҳиятидан қайтариб чиққан ҳолда 17540 нафар фуқаро ҳамда 17206 та кам таъминланган оилага 7 миллиард 41 миллион сўмлик-

ҳарлараро аъзоларни қабул қилиш кўнлари ташкил этилди. Жумладан, ўтган йил давомида Бекобод шаҳри, Чиноз, Оҳангарон, Паркент, Юқори Чирчик, Янгийўл ту-

Чуқур ва холис таҳлил

фаолиятимизда ниҳоятда қўл келади

дан зиёд ижтимоий кўмак берилди. Шундан 869 миллион 488 минг сўми касаба уюшма ташкилотлари ҳисобидан сарфланди. Бирлашма кенгаши қошида «Ишонч телефони» ташкил этилган бўлиб, 2012 йил давомида 254 та, ўтган йили эса жами 300 та мурожаат бўлган. Бундан ташқари, 48 та ёзма мурожаат қўриб чиқилиб, деярли барчаси қаноатлантирилди.

Шу билан бирга, бирлашма кенгаши томонидан тасдиқланган режага асосан ойда бир марта туман ва ша-

манларида 150 нафарга яқин фуқаро қабул қилиниб, уларнинг саволларига жавоб берилди. Вазиятни ўрганиш жараёнида вилоят шохбекталари ва йўловчилар бош бекталари ишлаб чиқариш давлат унитар корхонаси касаба уюшмаси ташкилотиде меҳнат қонунчилигига эътиборсизлик билан муносабатда бўлинаётганлиги аниқланди. Қонунбузарликлар юзасидан иш берувчиларга ходимлар манфаатларини қўзғаб тақдирномалар киритилмоқда. Зарур ҳолатларда судларга даъво аризалари

билан мурожаат этиляпти. Натияжада, 4 нафар ходим вазифасига қайта тикланди.

Бирлашма кенгаши томонидан ҳисобот даврида 200 дан зиёд корхона ва ташкилотнинг меҳнат муҳофазаси бўйича қонун, қоида ҳамда меъёрларга риоя этиш бўйича фаолиятлари ўрганиб чиқилди. Касаба уюшма ташкилотларининг аралашуви билан аниқланган камчиликларнинг 94,5 фоизи бартараф этилди. Корхона ҳамда ташкилотларда меҳнат муҳофазаси бўйича 3 минг 600 нафардан зиёд жамоатчилик асосида сайланган вакил фаолият кўрсатаяпти. Улар мунтазам равишда цех ва участкаларда жамоатчилик назоратини олиб боришмоқда.

Маънавий-маърифий ишларга ҳам алоҳида эътибор қаратилган бўлиб, бу борда бирлашма кенгашининг Маънавият тарғибот маркази вилоят бўлими, Хотин-қизлар кўмитаси, «Нуроний» ва «Махалла» жамғармалари, «Камолот» ЕИХ, маданият ва спорт ишлари бошқармаси билан ҳамкорлиги қутилган натижани берапти.

(Давоми 2-саҳифада).

Бугунги ёшлар

Мамлакатимизда ёшларга яратилаётган кенг имкониятлар уларни янги-дан-янги ташаббусларга қорляпти. Сидрдаё вилояти Бобвут қишлоқ хўжалиги касб-хунар коллежини битирган Феруза Жўраева ҳам 60 гектар ер майдонига ўзи тенги 10 нафар коллеж битирувчисини ёнига олиб, фермер хўжалиги ташкил этди. Улар билан бирга 5 нафар миришкор деҳқон ҳам хўжалик ривожига ҳисса қўшяпти.

— Биринчи йилдаёқ ҳосилимиз баракали бўлди. Даромадимиздан битта хайдов трактори сотиб олдик. Кейинги йили эса лиценз асосида 10 йил муддатга қишлоқ трактори харид қилдик, — дейди фермер Ф.Жўраева.

Хўжалик аъзоларининг жонқуярлиги боис ўтган уч йил давомида галла ва пахта топшириш режалари муваффақиятли бажарилди.

— Фермер хўжалиги ташкил этишга киришганимда, ҳали роса қийна-лишимни айтганлар ҳам бўлди. Бироқ

Интилганга толе ёр

шунча қулайлик ва шароит борлигини била туриб, орқага чекинганг келмас экан. Натияжа эса, кўриб турганингиздек, ёмон эмас, — дейди фермер қиз.

Ёшлардаги қалб қайноқлиги келажакка ишончининг кучлилигидан. Фе-

руза ўтган йили «Камолот» ЕИХ томонидан ташкил этилган «Ёш тадбиркор — юртга мададкор» танловига қатнашиб, 20 миллион сўмлик имтиёзли кредитга эга бўлди. Ушбу маблағни қорвачилик соҳасини ташкил

қилишга сарфлади. Ҳозирда хўжаликда 30 бош қорамол ҳам парваришланмоқда.

Ушбу муваффақиятлар сабаб қаҳрамонимиз «Ташаббус — 2013» республика танловининг вилоят босқичида 2-ўринни эгаллади. «Ватаним

Ўқимдан

АНДИЖОН

Андижон вилоятидаги корхона, ташкилот ва таълим муассасаларида «Ёшлар маънавиятини юксалтиришда Алишер Навоий ва Заҳриддин Муҳаммад Бобур ижодининг ўрни» мавзусида давра суҳбатлари ўтказилди.

АЖДОДЛАР ЭЪЗОЗДА

Жумладан, Андижон шаҳридаги 41-умумтаълим мактабиде бўлиб ўтган тадбирда уларнинг ижодини чуқурроқ ўрганиш, тарғиб қилиш, ёш ижодкорларни қўллаб-қувватлаш борасида сўз юритилди. Ўқувчилар томонидан улуг шоирларимиз асарларидан саҳна кўринишлари намойиш этилди.

Ўз мухбиримиз

НАВОИЙ

«Вангози» қишлоқ фуқаролар йиғини нафақат туманда, вилоятда ҳам кўзга кўринган масканлардан саналади. Худудда аҳоли ҳаёт тарзининг юксалиши анча юқори. Яқинда бу ерда «GIZILTEPA SOAP» МЧЖ, яъни хўжалик совуни ишлаб чиқарадиган корхона фаолият бошлади.

ВИЛОЯТДА ЯГОНА

Қувонарлиси шундаки, бу турдаги маҳсулот ишлаб чиқарадиган корхона вилоятда ягонадир. Соатида 2 тонна маҳсулот тайёрлашга мўлжалланган корхонада иш қизгин. Бу ерда ҳозирда 12 нафар ишчи фаолият юритаётди. Маҳсулотлар аллақачон вилоятимизнинг турли худудларида сотувга чиқарила бошланди. Келгусида совун турлари ва ишчи ўринларини кўпайтириш бўйича имкониятлар қайта кўриб чиқилаётди.

Мансур АЛОВУДИНОВ, «Ishonch» мухбири

ФАРФОНА

Қўштепа туманидаги «Баркамол авлод» болалар ижодиёт маркази ўқувчиларнинг сеvimли масканига айланган. Бу ерда болалар бўш вақтини мазмунли ўтказиши учун барча шароит яратилган.

СЕВИМЛИ МАСКАН

Табиатшунослик, инглиз тили, ракс, бичув-тикув, доира, бадий ҳаваскорлик каби 19 та тўғрақда 500 нафар ўқувчи қизиқишига кўра машғулотларга қатнашмоқда.

Айниқса, компютер саводхонлиги тўғраги катта қизиқиш уйғотмоқда. Музаффар Хошинов раҳбарлик қилаётган ушбу тўғрақда ҳафтада уч кун 30 нафардан ортиқ ўқувчи уч гуруҳга бўлинган ҳолда ўз малакасини ошириб бормоқда. Уларнинг 10 нафари қизлардир.

Муҳаммадjon МАХМУДОВ

КАШҚАДАРЁ

Янги Нишон шахрилик тажрибали тадбиркор, «Сардор» хусусий корхонаси раҳбари Холли Туробов «Улғубек» маҳалла фуқаролар йиғини худудидеги ташландик бинони қайта қуриб, бир кунда 150 кишига хизмат кўрсатадиган ҳаммом ва сауна барпо этишга киришди.


АҲОЛИГА ҚУЛАЙЛИК

Лойиха қиймати 506 миллион сўмлик объектни бунёд этиш учун у ўз маблағидан ташқари банкдан 35 миллион сўм кредит олди.

Иззат ҲИҚМАТОВ

ОЗОДА МАМАДАЛИЕВА, «Ishonch» мухбири

Мехнат муҳофазаси



Мехнат муҳофазасига доир қонунлар ижросини таъминлаш қўйи бугун — бошланғич ташкилотларда уч босқичли маъмурий жамоат назорати тарзида амалга оширилмоқда. Вакилларнинг бу борадаги билим ва тажрибаларини оширишга алоҳида эътибор қаратилган. Утган йили вилоят бўйича 2720 нафар вакил хавфсиз иш шароитини ташкил этишга доир ўқув ва семинарларга жалб этилди. Корхона ва ташкилотларда фаолият юритаётган мехнат муҳофазаси, техника хавфсизлиги мутасаддилари, бошланғич касаб уюшма ташкилотлари етакчилари жалб этилган ҳолда «Инсонга наф келтириш — олий бахт», «Муносиб мехнат — муносиб ҳаёт асосидир», «Касаба уюшмалари қанчалик кучли бўлса, иш жойи шунчалик хавфсиз бўлади» мавзуларида ўқув-семинарлар ташкил этилди. Саъй-ҳаракатлар боис вилоят корхона ва ташкилотларида хавфсиз иш ўрни яратишга йўналтирилган маблаг миқдори кескин ошди. Йил якуни таҳлилига кўра, ҳар бир ходимга сарфланган маблаг 19,5 миңг сўмни ташкил

Хавфсизликка кафолат

эти. Жамоа шартномаларида мехнат муҳофазасига оид бандларнинг бажарилиши тобора яхшиланиб бормоқда. Бошланғич касаб уюшмалари ташаббуси билан мехнатда турли сабаблар билан имкониятни чеклаб қолган ёхуд кўнгилсиз ҳодисалар натижасида оила боқувчисидан ажралиб қолганларга кўмак кўрсатиш йўлга қўйилди. Хусусан, Самарқанд ҳудудий электр тармоқлари корхонаси маъмурияти ва касаба уюшма ташкилоти эҳтиёжманд оилаларга 5 млн. сўмдан ортиқ моддий кўмак кўрсатди. Бўлимимиз ходимлари ҳудудий тиббий мехнат эксперт комиссиялари мажлисларида иштирок этиб, 133 кишига ишлаб чиқариш билан боғлиқ ҳолатда мехнат қиёнатини йўқотганлик даражаси олишида кўмаклашди. Мехнат шартномаларини баҳолаш ва иш жойларини шаҳодатлаш юзасидан муттасил

Касаба уюшмалари фаолиятидаги устувор вазифалардан бири — мехнат муносабатлари ва мехнат муҳофазаси устидан қатъий жамоатчилик назоратини ўрнатилди. Бу самарали услуб амалда ўз натижасини бераётир. Жумладан, Самарқанд вилоятида мехнат муҳофазасини таъминлашга 6468 нафар жамоатчи вакил жалб этилган. Иш жараёнида йўл қўйилган 11858 та камчилик аниқланиб, бартараф этилишига эришилди.

мониторинг ўтказиб келинаётир. Утган даврда 80 та корхонада мехнат шароити нуқуллай ва зарарли иш жойлари шаҳодатдан ўтказилди. Мазкур ҳолат юзасидан аниқланган камчиликлар бартараф этилиб, ходимларга қўшимча таътил, қисқартирилган иш соатлари, имтиёзли равишда пенсияга чиқиш ҳуқуқи ва бошқа қатор имтиёзлар белгиланди.

ча таътил, қисқартирилган иш соатлари, қўйинги, кўзда тутилаётган барча имтиёзлар амалиётда қўлланилмаётир. Самарқанд шаҳридаги 25-маҳсуслашган болалар богчасида ҳам шундай ҳолатни кузатиш мумкин.

Яна бир ҳолат. Мехнат муҳофазасига доир қонунлар ижроси устидан қатъий назорат ўрнатилишига қарамадан

лар олиб бораяпмиз. 276 та бюджет ташкилотидан мехнат муҳофазасига оид талабларга риоя этилиши ўрганилганида 3168 та қонун бузилиши ҳолати аниқланди. Камчиликларни бартараф этиш юзасидан 275 та корхона иш берувчиларига бажарилиши шарт бўлган ёзма кўрсатмалар берилди. Қонун бузилишига йўл қўйган 133 нафар мансабдор

Шунга қарамай, мехнат муҳофазасига ҳамон панжа орасидан қараб келаётганлар йўқ эмас. Масалан, Кўшработ туман поликлиникаси, юқумли касалликлар шифохоналарида бу борадаги ишлар ўз ҳолига ташлаб қўйилган. Мазкур жамоаларда мехнатни муҳофаза қилиш ишларини бажариш бўйича масъул буйруқ билан расмийлаштирилмаган. Мехнат шароити ва муҳофазасини яхшилаш дастури ишлаб чиқилмаган. Биринчи бор ишга қириқчилар учун иш жойида дастлабки йўриқ бериш журналлари юритилмаган, мехнат муҳофазаси устидан уч поғонали маъмурий жамоат назорати ташкил этилмаган. Мехнат шароити нуқуллай ва зарарли иш жойлари баҳоламаган, шаҳодатдан ўтмаган. Мехнат муҳофазаси вакиллари сайланмаган. Нуқуллай иш жойида банд ходимлар учун белгиланган қўшим-

ишлаб чиқариш билан боғлиқ кўнгилсизликлар рўй бераётгани ачинарли. Боз устига, айрим ташкилотларда хавфсизлик қоидаларига панжа орасидан қараляптир. Масалан, Самарқанд шаҳридаги «Самарқанд дон маҳсулотлари», «Жума пахта тозалаш» заводи, «Марказий Ўзбекистон геологик тасвирлаш, излаш экспедицияси» каби қатор ташкилотларда ходимлар иш жараёнида жабр кўрганигини қандай изоҳлаш мумкин? Ишлаб чиқаришдаги бахтсиз ҳодисалар 9 тани ташкил этганини ҳам оқлаб бўлмайди, албатта. Тўғри жабрдийдаларга моддий зарар ва товон пуллари вақтида ундириб берилди. Аммо ходим саломатлиги моддий таъминотдан устунлигини ҳеч маҳал эсдан чиқармаслик керак.

Вилоятдаги мехнат муҳофазасига дахлдор ташкилотлар билан ҳамкорликда муттасил текшириш ва ўрганиш-

шахс 29873,4 миңг сўм миқдоридан маъмурий жаримага тортилди. Ходимлар ҳаёти ва соғлиғига хавф солувчи асбоб-ускуна ва дастгоҳлар фаолияти вақтинчалик тўхтатиб қўйилди.

Шунингдек, утган йили нуқуллай ва зарарли иш жойларида мехнат қилаётган ходимлардан 47 нафари мамлакатимиздаги турли сикатгоҳларда имтиёзли бепул йўланмалар билан дам олдирилди. Бундай тадбирлар кўламини кенгайтириш, иш берувчилар эътиборини хавфсиз иш ўринлари яратишга қаратиш йўлидаги саъй-ҳаракатларимизни янада кучайтириш тадбирларини белгилаб олганмиз.

Усмон КАРИМОВ, Самарқанд вилоят касаба уюшма ташкилотлари бирлашмаси мехнат муҳофазаси бўлими мудири



Саудия Арабистони фуқароси Халид Бин Мухсин Шарининг оғирлиги ҳозирда 290 кг.ни ташкил қилади.

320 кг... оз эмас

Утган йили ортиқча вазндан халос бўлиш учун жарроҳлик операциясини бошидан ўтказди. Унчага 20 ёшдаги йигитнинг вазни 610 кг.га тенг бўлган. Уни мамлакат пойтахти Ар-Риёда келтириш учун мамлакат қуроли кучлари ёрдамидан фойдаланилди. Ҳатто, бунинг учун АҚШдан махсус ётоқ ва кран жалб этилди. Қарабиски, ҳеч қанча вақт ўтмай, Шари нақд 320 кг. га озишга муваффақ бўлди.



Ethiopian Airlines авиакомпаниясига тегишли бўлган йўловчи самолёти Женевада қўнишга мажбур бўлди.

Мажбурий қўниш

Маълум бўлишича, Аддис-Абеба — Рим йўналиши бўйича парвозни амалга ошираётган самолётдаги йўловчилар гаровга олингани ҳақида хабар берилган. Маълумотларга қараганда, Boeing 767-300 аэропортга маҳаллий вақт билан 6:10 да қўнган.

РИА ахборот агентлигининг хабар қилишича, ҳозирда барча йўловчилар бортни тарқ этишган, жабрланганлар йўқ.

Женева аэропорти матбуот котиби ҳам Ethiopian Airlines авиакомпаниясининг самолёти қўлга олинганини тасдиқлади. Швейцария ОАВнинг хабарларига кўра, жиноятчи қўлга олинган. Самолётни гаровга олган шахс иккинчи учувчи бўлиб чиқди. Айни дамда у мамлакат ҳукуматидан сиёсий бошпана сўрамоқда.

Тадбиркорлик

Марғилон шаҳридаги «Чилонзор» маҳалла фуқаролар йиғини ҳудудда жойлашган «NARIMTEKS» Ўзбекистон-Хитой қўшма корхонаси маҳсулотларига бўлган талаб ҳоризда кун сайин ўсиб бормоқда. Бу ерда юқори сифат ҳал қилувчи мезон саналади. Техник ва технологик янгиликлар туфайли ишлаб чиқариш ҳажми 28 фоиз ортганлиги ҳам бежиз эмас.

Ички ва ташқи бозорда харидоргир

— Корхонамиз ташкил топганига 5 йил бўлди, — дейди директор Жамшид Тиллабоев. — Кези келганда, давлатимиз томонидан биз тадбиркорларга яратиб берилган қулай инвестициявий муҳит, имтиёзлар фаолиятимизни йўлга қўйишда жуда қўл келганлигини таъкидлашни истардим. 60 нафар ишчи мехнат қилаётган корхонада ишлаб чиқарилаётган маҳсулотлар ички ва ташқи бозорда жуда харидоргир. Ходимлар орасида касб-хунар коллежалари битирувчилари анчагина ва бу айни вақтда ёшларнинг амалиёт ўташи учун шарт-шароит етарли эканидан ҳам далolat беради. Корхонага ўтган даврда Япониядан «Жукил», Хитойдан «Систар» тивув машиналари, Германиядан «Дуккоп Адлер» гул бошиш ускунаси, Италиядан «Макли» бичув дастгоҳлари келтирилди.

Сифатли хом ашёнинг етказилишида Туркия, Хитой, Қирғизистон билан ҳамкорлик алоқалари яхши йўлга қўйилган бўлиб, жорий йилда 143,5 миңг АҚШ доллари ҳисобида маҳсулот ишлаб чиқариш режалаштирилган.

Мухаммадҷон МАҲМУДОВ

ДОВОДИМ ДО ВАШЕГО СВЕДЕНИЯ!

В связи с изменениями количество домов в лотах лоты с 1150 по 1156 в приглашении № 2014 – 04, участвующие в конкурсных торгах инвестиционной программы строительства жилья для комплексного развития села и опубликованные в газетах «Ishonch» №18 и «Қишлоқ ҳаёти» от 11 февраля 2014г. №18 читать в нижеуказанном порядке.

№ лота	Область	Район	Массив	Кол-во домов в лоте	Номер домов по Лоту	Конечный срок подачи предложений
Сурхандарьёвская область						
1150/1	Сурхандарья	Термез	Солиобод	6	1,2,3,4,5,6	7 марта 2014 года, в 12:00
1150/2	Сурхандарья	Термез	Солиобод	6	7,8,9,10,11,12	7 марта 2014 года, в 12:00
1150/3	Сурхандарья	Термез	Солиобод	6	13,14,15,16,17,18	7 марта 2014 года, в 12:30
1151/1	Сурхандарья	Термез	Солиобод	2	19,20	7 марта 2014 года, в 12:30
1151/2	Сурхандарья	Термез	Солиобод	2	21,22	7 марта 2014 года, в 13:00
1151/3	Сурхандарья	Термез	Солиобод	6	23,24,25,26,27,28	7 марта 2014 года, в 13:00
1152/1	Сурхандарья	Термез	Солиобод	5	29,30,31,32,33	7 марта 2014 года, в 13:30
1152/2	Сурхандарья	Термез	Солиобод	6	34,35,36,37,38,39	7 марта 2014 года, в 13:30
1152/3	Сурхандарья	Термез	Солиобод	6	40,41,42,43,44,45	7 марта 2014 года, в 14:00
1153/1	Сурхандарья	Термез	Солиобод	6	46,47,48,49,50,51	7 марта 2014 года, в 14:00
1153/2	Сурхандарья	Термез	Солиобод	2	52,53	7 марта 2014 года, в 14:00
1154/1	Сурхандарья	Термез	Солиобод	2	54,55	7 марта 2014 года, в 14:30
1154/2	Сурхандарья	Термез	Солиобод	2	56,57	7 марта 2014 года, в 14:30
1155/1	Сурхандарья	Термез	Солиобод	2	58,59	7 марта 2014 года, в 15:00
1155/2	Сурхандарья	Термез	Солиобод	2	60,61	7 марта 2014 года, в 15:00
1156/1	Сурхандарья	Термез	Солиобод	2	62,63	7 марта 2014 года, в 15:30
1156/2	Сурхандарья	Термез	Солиобод	2	64,65	7 марта 2014 года, в 15:30
1157	Сурхандарья	Шурчи	Бахштинтепа	12	1,2,3,4,5,6,7,8,9,10,11,12	7 марта 2014 года, в 16:00
Итого:				77		

Услуги лицензировано.

Мижозлар хизматиди



«Давр-банк» хусусий ёпиқ акциядорлик тижорат банки мана 12 йилдирки, юртимизда банк хизматларини кўрсатиб келаётган нуфузли банклар сирасига кирди. Банкнинг кредит қўйилмалари утган йилнинг шу даврига нисбатан қарийб 3 баробарга ошди. Банк томонидан ажратиладиган

«Давр-банк» — ҳаммаша бирга, ҳар дам ҳамнафас



кредитлар кичик бизнес ва тадбиркорлик субъектлари фаолиятининг ривожланишига, аҳоли турмуш фаровонлигининг яхшиланишига, янги иш ўринларининг яратилишига замин яратди. Утган даврда, айниқса, банк томонидан ёш тадбиркорларни қўллаб-қувватлашга алоҳида эътибор қаратилди. Буни банк мижози — ёш тадбиркор эътирофидан ҳам англаш мумкин. **Тошкент шаҳри, Чилонзор туманидаги «PRIME TIME SERVICE» МЧЖ раҳбари Бекзод САМАДОВ:** — Компютерга болалигимдан қизиқаман, лекин молиявий маблагларим етишмаганлиги сабабли



ўйлаб қўйган ишларимни кейинга қолдирар эдим. Туман ҳокимиятида Марказий банк ҳамда тижорат банклари ходимлари иштирокида тадбиркорлар ва тадбиркорликни бошлашни мўлжаллаётган ёшлар билан ўтказилган йиғилишларда бир неча бор қатнашдим. Режаларимни Марказий банк ходимларига билдирган эдим, тумандаги «Давр-банк» мутахассисларига учрашишни ҳамда бизнес режани

Реклама ўрнида



тақдим этишни маслаҳат беришди. Банк ходимлари бизнес режамни ўрганиб чиққанидан сўнг, компютер ва интернет хизматлари кўрсатишни ташкил этишим учун 120,3 млн. сўм миқдоридан кредит маблағи ажратилди. Бугунги кунда тадбиркорлик фаолиятини тулиқ йўлга қўйдим, иш ҳажмининг ошиши қўшимча ходимларга бўлган талабни келтириб чиқарди. Бунинг натижасида, яна 3 та янги иш ўрни яратилди. Келажакда фаолиятимни янада кенгайтиришни мўлжаллаганман. **Фикримча, ҳар бир ёш тадбиркор ўзининг бизнес режасини пухта тузиб, амалга оширмоқчи бўлган ишларига ишонч билан ёндашадиган бўлса, уларнинг орзулари, ўй-хаёллари ҳаёт юзини кўради.**

Насиба ИСМАТОВА, «Ishonch» мухбири

Давоми. Бошланиш 1-саҳифада.

Ким билсин, ана шу ортада қолган йилларда қанчадан-қанча истеъдодларни йўқотдик экан? Улар ичидан Одил Аҳмедов каби машҳур футболчилар ёки Севара Қодирова сингари жаҳон чемпионлари етишиб чиқиши мумкин эмасми?! Мумкин эди. Бироқ шароит йўқлиги, спортга, ёш авлод камалига эътиборсизлик бунга имкон бермаган.

Юртни равнақи

Жисмонан соғлом, маънан баркамол авлод қўлида

«Суюнчи» филмини ҳаммамиз севиб томоша қиламиз. Унинг бош қаҳрамонларидан бири Шермат томонидан айтилган бир гап бор: «Мен чанави тоғлар орасида номин чқмай ўлиб кетишни истамайман».

Хотлар юртимизнинг ҳар бир худудига изчил олиб борилмоқда. Хусусан, наманганлик спортчи ёшлар ҳам шу каби ғамхўрликлар оғушида изланмоқдалар.

2013 йиллар мобайнида Болалар спортини ривожлантириш жамғармаси маблағлари ҳисобидан 150 та объект қурилиб, фойдаланишга топширилгани билан ҳам изоҳлаш мумкин. Улардан 137 таси спорт ин-

навий инвентарлар ва жиҳозлар билан таъминланиб, уларда минг-минглаб наманганлик ёшлар спортнинг ўттиздан ортиқ тури билан мунтазам шуғулланмоқда.

Биласизми?

Эйфел минораси

Муҳандиснинг фикрича, Эйфел минораси 20 йил туриб бериши, сўнг эса бузиб ташланиши лозим эди. Аммо хориждан келган туристлар оқими бу фикрнинг қанчалар мантқиқсизлигини кўрсатди. Бугунга келиб, Эйфел минораси Франциянинг рамзи бўлиб қолди.

Бармоқларда мушаклар йўқ

Инсон бармоқларида мушаклар мавжуд эмас. Биз уларни масофадан бошқарамиз. Бармоқларни пайлар ҳаракатга солади, мушакларни биллақлар ҳаракатлантиради. Агар бармоғимизни букмоқчи бўлсак, биллақ мушаклари пайларни тортади. Ушбу жараёнда кафтинг 17 та, биллақнинг 18 та мушаклари ҳаракатланади.

Ўзига хос «коллекция»

«Боинг-767» русумидаги самолёт — дунёнинг 800 дан зиёд корхонаси етказиб берадиган 3,1 миллион деталдан йиғилган «коллекция» дир. Самолёт деталлари дунёнинг турли мамлакатларида тайёрланади. Масалан, унинг фюзеляжи — Япония, қанотлари — Калифорния (АҚШ), бурилиш мосламалари — Италия ишчи-конструкторлари меҳнати самарасидир.

Шаҳарнинг расмий номи

Пуэбло Де Нуэстра Сенора Ла Рейна Де Лос Анжелес Де Ла Порцинула. Бу Лос-Анжелеснинг расмий номи.

Йўловчи ташувчи авиареис

1914 йилда илк бор йўловчи ташувчи авиареиси амалга оширилган. 1919 йилдан бошлаб эса, узок масофага учувчи йўловчиларга салонда овқат берилган бошланган.

Чизикли чегара

Италия ва Ватикан ўртасидаги чегарани асфалтга чизилган пунктир чизик ажратиб туради.

«Конкорд» авиалайнери

Овоздан тез учадиган «Конкорд» авиалайнери парвоз пайтида целсий бўйича 95 даражагача қизиб, 12,5 см. га узаяди.

Интернет хабарлари асосида Ж.ЭРГАШЕВ тайёрлади



ШАХМАТ

Хамюртимиз, ФИДЕ устаси Темури Игонин Минск шаҳрида ўтказилаётган «David Bronstein Memorial 2014 tournament A» халқаро турнирида ажойиб натижаларни кўлга киритмоқда.

АНАНДНИ ХАЙРАТГА СОЛГАН ТЕМУР

Вақилимиз мусобақаларнинг дастлабки уч уррашувидан биронта мағлубиятга учрамади: озарбайжонлик халқаро спорт устаси Бахруз Рзаев (рейтинги 2459) ва қозоғистонлик гроссмейстер Ринат Жумабеовни (2564) енгган бўлса, мезбон гроссмейстер Владислав Ковалев (2557) билан дуранг ўйнади.



ЕНГИЛ АТЛЕТИКА

Хитойнинг Ханчжоу шаҳрида енгил атлетика бўйича ёпиқ иншоотларда ўтказилаётган Осиё чемпионати қизгин паллага кирди.

АТИГИ 4 СМ. ЕТМАДИ

Ушбу нуфузли мусобақа терма жамоамиз аъзолари учун омадли бошланди. Ядро улоқтириш бўйича баҳсларда София Бурхонова зафар қўчди. Узунликка сакраш беллашувида қумуш медал хамюртимиз Даря Резниченкога насиб этди.



ФУТБОЛ

«Бунёдкор» футбол клуби испаниялик ярим ҳимоячи Карлес Кото билан шартнома имзолади. Бу ҳақда УЗПФЛ матбуот хизмати хабар берди.

«БАРСЕЛОНА» ТАРБИЯЛАНУВЧИСИ «БУНЁДКОР»ДА

Ушбу ярим ҳимоячи 2001-2007 йиллар оралигида Каталониянинг «Барселона» футбол мактабида тахсил олган. Профессионал фаолиятини Белгиянинг «Мускрон» жамоасида бошлаган.

O'zbekiston kasaba uyushmalari Federatsiyasi
Bosh muharrir o'rinbosari: Zayniddin Rixsiyev
Tahrir hay'ati: Muhammad Ali Ahmedov, Baxtiyor Mahmudaliyev, Oksana Belausova, Sog'indiq Niyetullayev, Eson Rajabov, Jahongir Sharofboyev (Mas'ul kotib).



Давлатимиз раҳбарининг 2012 йил 10 декабрда қабул қилинган «Чет тилларни ўрганиш тизимини янада такомиллаштириш чора-тадбирлари тўғрисида»ги Қарорига мувофиқ Фарғона вилояти умумтаълим муассасаларида хорижий тилларни ўқитиш самарадорлигини оширишга алоҳида эътибор қаратилмоқда.

ЎҚИТИШ СИФАТИ ОШМОҚДА

Учкўприк туманидаги умумтаълим мактабларида 101 инглиз тили хонаси ташкил этилиб, замонавий техник воситалар билан жиҳозланди. 172 нафар инглиз тили фани ўқитувчиси қайта малака ошириш курсларига жалб қилинди.

Бор бўл, оқибат!

Юртимизда ёш авлод саломатлигига кенг эътибор қаратилмоқда. Жумладан, «Соғлом авлод учун» халқаро хайрия жамғармаси томонидан ижтимоий ҳимояга муҳтож аҳоли қатламига ёрдам бериш, бемор болаларни соғломлаштириш мақсадида амалга оширилаётган ишлар диққатга сазовор.

Шодликка тўлсин кўнги

Жамғарма бу борада қатор халқаро ташкилотлар билан ҳамкорликни йўлга қўйган. Шундай ҳамкорлик доирасида Корея Республикасининг Ёнсей университетининг «Seveganse» госпитали шифокорлари юртимизда бўлиб, Тошкент шаҳри ва вилоятларидаги бемор болаларни тиббий кўриқдан ўтказишди.



Салим АБДУРАХМОНОВ, «Ishonch» муҳбири. СУРАТЛАРДА: даволаниш учун Германияга жўнаб кетаятган болалар.

Тақдимот

Гулистон шаҳридаги 8-умумтаълим мактабида Сирдарё вилоят телерадиокомпанияси ижодкорлари томонидан суратга олинган «Дилозор» бадий филмининг тақдими бўлиб ўтди.

Ижодкорлар тўхфаси

Режиссёр Жаҳонгир Эшпўлатов, сценарий муаллифи ва Ноила роли ижрочиси Дилноза Зокирова ҳамда бошқа актёрлар филмини суратга олиш жараёни ҳақида сўзлаб беришди.

Bo'limlar: Kasaba uyushmalari hayoti — 256-87-63, Huquq va xalqaro hayot — 256-64-69, Milliy-ma'naviy qadriyatlar va sport — 256-82-79, Xatlar va muxbirlar bilan ishlash — 256-85-43, Reklama va e'lonlar — 256-87-73.
Manzilibiz: 100165, Toshkent shahri, «Buxoro» ko'chasi, 24-uy.
Nashr ko'rsatkichi: 133.
Viloyatdagi muxbirlar: Andijon +998 91 141-27-70; Buxoro +99893 653 50 81; Sirdaryo +998 90 999 58 30; Jizzax +998 94 418-67-49; Navoiy +998 94 226-28-84; Namangan +998 90 260-50-77; Samarqand +998 93 352-50-87; Qashqadaryo +998 91 467-30-01; Surxondaryo +998 95 502-68-99; Farg'ona +998 90 583-49-79; Qoraqalpog'iston Respublikasi +998 91 268-92-32; Xorazm +998 90 719-48-00.

Реклама ва эълонлар
Республика ихтисослаштирилган дерматология ва венерология илмий-амалий тиббий маркази Тери ва замбуруғли касалликлар бўлими
ТЕРИ ВА ЗАМБУРУҒЛИ КАСАЛЛИКЛАРНИ ДАВОЛАШ
Замбуруғли касалликлар билан боғлиқ саволлар бўйича маслаҳатлар
Мулоқот учун телефон рақамлари: (+99898) 812 05 06; (+99890) 963 01 06; (+99893) 390 09 03; (+99893) 655 03 04;
Хизматлар лицензияланган.